

Uunga siunnersuut: Aningaasarsianit akileraarutit pillugit inatsisartut inatsisaata allangortinneqarneranik Inatsisartut inatsisaat
(Aningaasaqarnermut Naalakkersuisoq)

Uunga siunnersuut: Qamutit motorillit akileraarutaat pillugit inatsisartut inatsisaata allangortinneqarneranik Inatsisartut inatsisaat
(Aningaasaqarnermut Naalakkersuisoq)

Uunga siunnersuut: Qalerallit avataasiarluni aalisarnermi pisarineqartut akitsuutaat pillugu Inatsisartut inatsisaat
(Aningaasaqarnermut Naalakkersuisoq)

Akissuteqaat
(Aningaasaqarnermut Naalakkersuisoq)

Aappassaanernejarnera
Naalakkersuisut sinnerlugit, Aningaasaqarnermut Akileraartarnermullu Ataatsimiititaliaq, inatsisissamut siunnersuusiornermi sukumiisunik suliarinnissimanera pillugu qutsavigissavara.

Naalakkersuisut nuannaarutigalugu maluginiarpaat, ataatsimiititaliami amerlane-russuteqartut, allanguutissatut siunnersuummi siunnersuutigineqartut isumaqataaffigimmatigit.

Naalakkersuisut paasivaat ikinnerussuteqartut, inatsisissatut ataatsimoorussamik siunnersuutigineqartumi pineqartut arlallit tunngaviusumik tapersorsoraluarlugit, taamaattoq siunnersuutit tapersorsorinnaangikkaat, tassa inatsisissatut ataatsimoorussamik siunnersuutigineqartut, nuna tamakkerlugu akileraarutip 1 procentimik appartinneqarnissaa pillugu Naalakkersuisunit siunnersuutigineqartumut attuumaasuteqarmata.

Akileraarummik appartitsinermit taarsiullugu, suliffissaqartitsiniarnermut imikkut ittumik iliuseqarnissanut isertat atorineqarnissaat ikinnerussuteqartut kissaatigineruvaat, ikinnerussuteqartummi kissaateqarmata Kalaallit Nunaanni nioqqutissiat assartorneqarnerinut tapiisalernissamik aaqqiisoqassasoq. Ikin-nerussuteqartut kissaatigaat isertitat inummut ilanngaatip qaffanneqarneranut atorineqassasut.

Naalakkersuisut matumani maluginiarpaat, ikinnerussuteqartut isumaqartut, aningaasat marloriarlugit atorineqarsinnaasut.

Tapiissutaasartut amerlinerisigut pisortat aningaasartuutaasa qaffanneqarnissaanut ikinnerussuteqartut kissaataat, Naalakkersuisunit tapersernejarsinnaangilaq.

Aningaasaqarnerput pitsanngoriartissagutsigu illuatungaanut ingerlasariaqar-pugut. Tamannalu pissutigalugu sinneqartoorutit nalikilliliissutigineqarsinnaane-risigut inuussutissarsiornerup iluani tapiissutit peerneqarnissaat, Naalakkersuisut siunnersuu-tigivaat.

Taanna ilutigalugu akileraartarnermi nalikilliliinerit pillugit maleruagassat ilu-arsaanneri, inuiaqatigiinni sanngiinnertut inissisimasut ilaasa, tassalu 16-init 18-inut ukiulinnut immikkut ittumik iliuuseqarfiginiarneqarput. Akileraarusee-riaatsip allanngortinneqarnerata matuma akuersissutigineqarneratigut ukiuni ar-lalinni immikkut ittumik isertitat, inuusuttut taakku siunnissaminnik arlartisa-lersut sapanginninnissaasa iliuuseqarfiginissaanut atorneqarsinnaalissapput.

Taamaammat akileraaruseeriaatsip allanngortinneqarnissaa allanngutissatut siun-nersutinik saqqummiunneqartunik ilallugu akuersissutigineqarnissaa Naalak-kersuisut kissaatigivaat. Ineqarnerup-, akileraartarnerup- aamma inunnik isuma-ginninnerup iluarsaateqqinneranut atatillugu suliap ingerlateqqinnerani, ataatsi-miititaliap oqaaseqaatai, sanaartornermi maskiinat angisuut akitsuusersorneqar-nissaannik ikinnerussuteqartut siunnersuutaat ilanngullugu, suliarineqarumaar-put.

Taamatut oqaaseqarlunga Naalakkersuisut sinnerlugit siunnersuutit saqqummi-unneqartut, Naalakkersuisut allannguutissatut siunnersuutit saqqummiussaat ilanngullugit, pingajussaanerlugit oqaluuserisassanngortinneqarnissaat in-nersuutigissavara.